

AYURNARLUANNGIITUQ ATANNGUQUINIKKUT NAITTUMIK TITIRAUHIA

Ilihimalittialiqhutik ikayuutaannik pivallianikhakkut Kanataup Ukiuqtaqtungani ilaa hivulliutilugu piyumayaat Avatiliriyitkut Kanata-mi (EC-kunnik taiyauvaktut). Ukuat Havagviat tautukpagait ikayuutikhaannik nalunaqtunik ihivriuqhiyinin ilaa ihumaliuqtauyukhatigut pivallianingannik aturumablutik, ukunatut tamaita havagviit havaqatigiiglutik ilaa aktuumaniqattiannginninkhaannik avatinut aktuqtauhimannigittunut, talvalu nutqaqtinngillugit tamaqtailinahuannigillugillu avatiktingni ihumagihimattiaqtavut. Upakpalliablutigu tikittumayaqqut, EC-kut takuurihimayut Miramar Hope Bay Ltd.-kut (MHBL-kunnik taiyauvaktut) ihuaqhaqtauhimayut imaqtigut laisqtaarutigiyumatt (April 2007) ukunani Doris North Project Havaariyaanni unalu ilavaallirutikhatigut ilittuqhautaa tuniyautaaqhimayut ukununnga Nunavunmi Imaliqiyitkut Katudjiqatigiingannut (NWB-kunnik taiyauvaktut).

Avatiliriyitkut Kanatami tunihihimayaat ihumaniqaqhutik ihumaaluutauvaktunik mikhaagut avatiliriniup aktuutigivagainnut uvani uvaniluunniit mikhaigut imarmiuttat nakuunniqhaitigullu aniqhaakturuminarninganniglu. Pitquyauhimagamik NWB-kunnin, EC-kut tunihihimayaat uqauhiqaqtut NWB-kutigut havauhikhaanni tahapkuallu EC-kut munarilluaqtakhaat.

Hamna ihuaqhaqtauhimayut imaup laisikhaata tukhiqtuutaa ihuatqiyauliraluaqhuni, EC-kut ilitturihimayut ihuanngingningannik.

MHLB-kut uuktuutiqaqpaktut kuvviviuningannik imait qanurinningannik kuviyauvaktut Tail Lake Tahianut talvalu itqurniarutigiyat munaqhittiarumik kuviyauvaktunik qurluaqpaktnut Doris Creek Kuugauyaanut, imaqtatiarningat ataani qurluaqtup munarittialaaqtauyut uvaniittut talvaluunniit atpaniittut Kanatami Katudjiqatigiiktuni Ministauyut Avatilirinirmut (CCME-kunnik taiyauvaktut) Atuqtauyukhat tumarluiqtailinahuarnikkut Imaqarnirup Imarmiutainin Inuuhiqarnia. EC-kut haffuminnga ihumagiyauningannik ikayuqtut; qanurliqaak ihumaaluutiqarmiyut imarinnginningannik ukunani avatilirinittkunni. Ihumagiblugit kigliqarnikhaanni ukunani nalaumadjutikhatigut ihumagilluarningat ihumagiyaulluanninmata CCME-kut aturutikhaanni piqpagiyauninganni, aulapkainikhatigullu piyumayait munaqhilutik kigliqarnikhaannik ataaniitqiyaniq pivigiyakhaanni avatilirinirmut. EC-kut uqaudjihimayut tunihiqattauntingannik aturutikhaannik uvani Doris Creek Kuugannuunganni ihumagiyaullutik angiyumik kigliqarniqarlutik, piviqarlutik avatilirinirmut tikittumayainnik ilaa naunaitqiyayut iniqarvikhatigut-naunaittumin. Tahapkununnga kigliqarningat CCME-kunnin maliruarutiqanngittunut pitquihihimayut MHBL-kunnin munaqhinihakkut tikittumayaayunik makipkailutik qanittuani uqautigiyayumayut kigliqarvianni. Uqaudjiniit kigliqarnikhakkut uqautauffaahimayut ikayuutikhaptingni tukhiqtuutiptingni. Ilanganiluttauq, EC-kut pitquihimayut kigliqaqtuutikhaayunik hapkunanik kalaqanngittuq tipituyut kaasiliq uvani Tail Lake Tahiaanni qurluarninganni, una kalaqanngittuq tipituyut kaasiliq, tipituyut taryuq, talvalu taryuqarningat tamainnin takuuriyauvaglutiglu, talvalu imaqtatiarnikhakkut itqurniarningat ihivriuqtaulutiglu ihuaqhaqtaulutiglu piyauqattaqpaglutik ilaa itqurniattiarnikhaannik pitquhiannik ilaa aktuomadjutiginiarungnaqhiyaannik kuvvivinikkut aulapkainikhaannik.

Una Munaqhiqattarnirlu Takuurinikhatigullu Parnaiyaut (April 2007) unalu uvani November 2003-mi Kingulliq Unipkaangit ukuninnga Qurluarningannik Imarmiuttaniglu Munaqhiniannik Ihivriurutikhaatigut titiraqhimaniqaqtut munaqhinihakatigut piliriarutikhainni ilaa atuttiaqtauyukhat atuquidjutaanni kavamatuqatkut maligaliuqtainni talvalu naammagiyaaitigut Avatilirinikkut Aktuqhimaniatigut Munaqhiniannik (EEM-kunnik taiyauvaktut) pitquyauhimaniat titiraqhimayut ukunani Haviliqiniit Uyarakhiurviit Qurluarvikhat Maligainni (MMER).

EC-kut ilitturiyut qaffiuyunigliqaak ihariattigiyaayut piliriarutaayuni. Ukuat EC-kut aallannguiquiyuugaluit ukununga 2003-mi unipkaanginnik maliglugu avatilirinirmut ihivriuhivangniat pitquhiannik uvani 2005-mi, tautungnaqtuq hapkuat aallanngurningat aktuqtauhiannngittut, talvalu una piliriarut aallannguqhiannngittuq pivallialiqhimagami 2003-mi. Una ihuaqhaqhimayuq Imarmiuttanut Aktuumaniqarniannik Munaqhiniitigut Piliriarutaat (AEMP-kunnik taiyauvaktuq) ilaa pivallialiqtakhaat tukhiqtuqtup. Ukuat AEMP-kut munaqhiyukhaugaluit imarittiarnikhatigut, halumailrutigut, taryup ataaniittut imarmiuttat, ukuallu iqaluit iqaluqarningat, talvalu naunairnaqpaktut ukiuq naattaraangat unipkaani qanurinningannik. Ukuat AEMP-kut kangiqhiannnatiarnaqtukhat nakuatuunnginnikkut ilaa takuyauhiannngittunin. Uuktuutublutik tahapkuat pitquhikhat ilaliutiyukhat ilaa titiraqtauhiamayut pitquhiamayaptingni.

Ukuat tukhiqtuutit parnaiyautait havaariyait ukiuq tamaat taryumunngauqattarningatigut ihivriuhiniit maqiqattaqtunik ilaa qagaqtautit uyaqqanut atuqtauvaktut hananiit iniqtiqtaugaangata. Uvaniluttauq, qimilruurutit kingiglipkaqtauniarumik, takuurinikhakut kigliqarningannik piniaqtut. EC-kut ikayuqtaat hamna munaqhinnikkut piyumayaayut talvalu pitquihihimayut ihivriuhiniit ilaqarlutik qimilruurningannik maqiniinnik talvalu qimilruuqhiqattaqpaglutik kitulliqaak nayugayut ilaa aktuumaniqanngittut uyarakhiurvingnit.

Hapkuat ikulattiqattaqtauvaktut halumailrungit hiamayakpangmata hilaryuaptingnut, ukuat takunnangniqarluaqtut anngutikhanut hapkunatigut nauttianik niriniarutainnin, imarmiglu halumailruniglu. Halumailruit kuviyauvaktut maniqqamut imaqnarmut qurlualaaqtut qurluarnikkut talvalu/talvaluunniit nungutpallianikkut talvalu niqigivakpait anngutikhat. Hamna ilaa piyumayauningat ihumaaluutigivait EC-kut. EC-kut ikayuqtait tuniqhiutigiyaaat tukhiqtuqtup ukunani Aniqhaattiarnarninganni Aulapkainingat Parnaiyautaanni. Qanurliqaak, ilihimattiarniaruptigu hapkuat tuniqhihianiit atuttiaqtaunikhaannik talvalu ikulattivangniat puyungit pivallaannginningannik ukuat tukhiqtuqtut hanavalliyukhat Ikulattivikhaannik Aulapkainikhat Parnaiyautikhaannik piqatigilugit EC-kut. Una aulapkainikhakut parnaiyauta at ilaaqtukhaugaluit ukiuq tamaat unipkaarivakkumik ikulattivauhiannik ilaa ilittuqhailutik tuniqhihimayamingnit ilaa puyuqaqpallaannginnikhakut piniarumik. Kitulliqaak pidjuhikhaat iliyauyukhat piyumayainni uvani Ikulattivikhaannik Aulapkainikhat Parnaiyautikhaannik titiraqatigiyaayut piyumayaptingni.

Nunani Iqqakuurvianni Aulapkainikhat Parnaiyautainni (LMP-kunnik taiyauvaktut) ukuat tukhiqtuqtut uqaqhimayut ilaa ikulattiqattaqpangniaqtut qiyungnik ilaa halumailrut aktuqhiamayainnin tahapkuat puunguyauvaktut agyaqtautigiyaavaktunin. Ukuat LMP-kut uqaqhimayut hapkuat halumailruit ikulayauvangniaqtut ikulattitilirumik. EC-kut pitquihihimayut hunalliqaaq halumailruqaqtut qiyuit havaariyauqublugit maliglugit ikulattittinikhakut aulapkainikhat parnaiyautainni ilaa ilangit halumailruit nungutauyuinmata ikulattittinirmut talvalu hilaryuamunngaulaaqtut puyungit, ilaa halumailruit imarmunngaqpalliadjutigivakpait.

Avatiliriyitkut Kanata-mi quyagiyumayaat NWB-kut ilaa uqautigiynarmadjut ihuaqhaqtauhiamayut Doris North-kunni imarmi laisitaarutikhaanni tukhiqtuutait, talvalu niriuktugut hapkuat ihuaqharnikhakut uqautauyullu pitquyauhianniillu atuttiaqtautigiymayaqqut NWB-kunnut ilaa ihumaliurutigiyakhait. Avatiliriyitkut Kanata-mi tukhittiaqtut ilaa tunihiyumaffaaqhutik titiraqhiamayut uqautigiyaavaktunin tuhaapkaitaarumik ilaa uqautiqarniarumik nutaanik ilittuqhautikhat tuhaqtauuyukhat katimalirmikpata.